

AKASHVANI AIZAWL

REGIONAL NEWS BULLETIN

HEADLINES (EVENING)

- 1. Chief Minister Pu Lalduhoma chuan ruihhlo zuar ru hria chu report zel tur leh an phu tawk hremna hmu ngei zel se a duh thu a sawi.
- 2. BJP Mizoram President Dr. K. Beichhua chuan vawiin India ram danpui palzut ni champha, Samvidhan Hatya Diwas chu democracy ram ropui India ram history-a hun duhawm lo hriatrengna a nih thu a sawi.
- 3. Ni hnih awh BRICS Energy Ministers' Meeting chu vawiin khan Haryana-a Gurugram ah tan a ni
- 4. Venezuela-ah na taka lir vawihnih a nghin avangin mi 160 chuang an thi a, mi 900 chuangin hliam an tuar.



INTERNATIONAL DAY AGAINST DRUG ABUSE & ILLICIT TRAFFICKING

Chief Minister Pu Lalduhoma chuan ruihhlo zuar ru hria chu report zel tur leh an phu tawk hremna hmu ngei zel se a duh thu a sawi.

Vawiina Social Welfare, Women & Child Development department buatsaih International Day against Drug Abuse & Illicit Trafficking puala Dawrpui Multipurpose Hall, Aizawla hun hman a telpuinaah he thu hi Chief Minister chuan a sawi a. Chief Minister chuan Sorkar, tlawmngaipawl leh kohhran hoten theihtawp an chhuah tih sawiin supply lam ringawt danchah tum lovin, demand lam tihtawp pawh an tum tih a sawi a. Security Coordination Committee din a nih thu leh Ruihhlo Do Core Committee an tihnun thar leh thu a sawi a. YMA ten kumpuanah Ruihhlo Do puangin Anti-Drugs Squad an kalpui thu leh chhun-zan zawmin hma an la a ti a. Kohhran hrang hrangte thawhpuih an sawm tih sawiin zirlai naupangte zingah awareness an kalpui thu leh media campaign a kal reng thu a sawi a. Ruihhlo laka ram venhim, ruihhlo bawiha tang lo tura thangtharte hnena zirtirte chu hna pawimawh ber a nih thu a sawi a ni.

Byte of Chief Minister

He hunah hian Social Welfare, Women & Child Development Minister Pi Lalrinpuii pawhin zirlai kalkhawm te chu fuihin ram hmalam hun tur an ni tih inhria

a, ruihhlo that loh zia hria a, ram leh hnam, chhungkua chhanchhuak turin ruihhlo ti ve chhin lova, rilru fim tak pu chungah mahni chhungkua, ram leh hnam tana ruihhlo laka fihlim zel a, mahni awm hmunah theuh ruihhlo lo do zel turin a chah a ni. Mizorama Excise & Narcotics in ruihhlo lo lut an man zat an chhinchhiah danah kum 2024 atanga kumin June thleng khan ruihhlo Kg 3,820 leh Gram 578 an man tawh a, a hlut zawng hi Vbc 486 Nuai 90 leh 148 a ni tawh a ni.

International Day against Drug Abuse & Illicit Trafficking pual hian district hrang hrangah pawh hun hman a ni.

<><><>

INTERNATIONAL DAY AGAINST DRUG ABUSE & ILLICIT TRAFFICKING - YMA

CYMA President Pu R.Lalnggheta chuan ruihhlo ngai thalai tam tak te chu chhungkaw tan tangkaina nei tawh lo, khawtlang tana tangkaina nei lo, ram tan pawha tangkaina nei lo, an ruihna tur ringawt ngaihtuah mek te nimahse siamthat theih an la ni, a ti.

He thu hi vawiina khawvel puma damdawi hmansual leh tawlhruk dona ni International Day against Drug Abuse & Illicit Trafficking hmanna-ah sawiin, tunlai hian ruihhlo rawn tawlh ten naupang kumtlinglo hman an ching chu a rilru nat thlak hle tiin, a tul angin dan anga a theih loh pawhin, dan lo ang pawhin YMA chu chet an tum tih a sawi a. Heti taka Mizoram sawisa tu ruihhlo tawlhute, naupang leh zel hmang duh tute chu an dim dawn lo tih a sawi a. An thisen zawmpuite ruihhlo in a che thei lova a siam te chhanchhuak turin mipuite an zavaia an tan rual a ngai tak zet tih sawiin nodal department te pawh dan hrul hret-a tan a ngai a nih chuan tang turin a sawm a. Ruihhlo la ti lo zirlai te chu ruihhlo ti chhin lo turin a sawm a. Tunlai thalai leh tleirawl tete-ah ganja ti an tam hle tih pawh sawi langin, thatna nei lo chu sim hmak turin a ngen a ni.

<><><>

AMC

Aizawl Mayor Pu H. Lalremtuanga kaihhruaina in AMC Board of Corporators meeting, ni hnih (2) awh tur chu vawiin khan AMC Board of Corporators (BoC) Meeting Hall, Thuampui-ah an thu tan.

Thutkhawmah hian Cash & Accounts changtu Executive Corporator Pi Christina Roluahpuii Sailo chuan kum 2026-2027 atana AMC Budget atana ruahman, cheng vaibelchhe 127 nuai 54 chu a pharh a. Tun thla ni 29-ah sawiho a ni leh ang. Parking changtu Pi R. Lalawmpuii, Deputy Mayor chuan kum 2026-2027 atana Aizawl khawpui chhunga parking area tur ruahmanna a siam chu a sawi hawn hnuaah sawiho a ni a, lungrual takin an pawm a. Hei bakah hian, Municipal Accounts Committee atan danin a phut angin member panga (5) thlanchhuah a ni bawk.

<><><>

SAMVIDHAN HATYA DIWAS

BJP Mizoram President Dr. K. Beichhua chuan vawiin India ram danpui palzut ni champha, Samvidhan Hatya Diwas chu democracy ram ropui India ram history-ah chuan hun tha lo tak, hun duhawm lo hriatrengna a nih thu a sawi.

Vawiin India ram danpui palzut ni champha, Samvidhan Hatya Diwas puala BJP pisa, Mipui Run, Aizawla hun an hmannaah Akashvani News zawhna chhangin he thu hi sawiin BJP President chuan a sawi a. India ram danpui palzutna chu India ramah thleng tawh lo se tih chu a duhdan a nih thu a sawi a. An party chuan an lak thutak thu sawiin kumtin he ni hi 'black day' anga hmangin urhsun taka an hman thin thu a sawi a. Dr. K. Beichhua chuan India ram chu democracy ram ropui tak, hnam hrang hrang leh chi hrang hrang culture leh tradition te pawh hrang hrang awmna a nih thu sawiin fimkhur taka political party zawng zawngte pawhin ram an kaihhruaia a tul thu a sawi.

Byte of Dr. K. Beichhua

June ni 25, 1975-a Pi Indira Gandhi rorelna hnuaiah National Emergency puan hian khua leh tui te dikna chanvo Fundamental Rights tihtawp a ni a, he ni hi India danpui tihhlumna ni -Constitution Murder Day tih hiala sawi thin a ni a. Vawiina Samvidhan Hatya Diwas puala hun hmana thusawitu Dr. Zonuntluanga chuan tuna Prime Minister Pu Narendra Modi chu a hunlaia tangkai tak , India danpui palzut duhloa bei tu a nih thu a sawi.

Byte of Dr. Zonuntluanga

Prime Minister Pu Narendra Modi chuan India ran danpui zalenna tihbawrhban a nih lai chu a hunlaia tawng ve tu a nih thu sawiin mipui zalenna rahbeh a nih thu leh mipuite pawh an duh anga an au chhuah theih loh thu a sawi a. Political party hruaitute, chanchinbumite leh khawtlang tana tlawmngaia hna thawk thin tam tak man a nih lai te chu a mit ngeia hmutu a nih thu a sawi bawk a ni. Vice President CP Radhakrishnan, Prime Minister Narendra Modi and Home Minister Amit Shah te chuan vawiin khan India ram Emergency puan a nih laia democracy humhintu te zahna chibai an buk a.



STATE TB FORUM MEETING

Kumin chhungin TB natna vei mi 1,087 hmuhchhuah tawh a ni.

Hei hi vawiina National Health Mission (NHM) Director Dr. R. Lalchhuanawma kaihhruainaa a pisaa State TB Forum Meeting-ah tarlan a ni a. Mission Director chuan TB natna vei an pun zel loh nan leh TB umbo anih theihna atana thahnemngai leh rim taka thawktu National Tuberculosis Elimination Programme (NTEP)-a State TB Officer leh thawktute chungah lawmthu a sawi a. TB natna umbo a nih zel theihna atana theihtawp chhuaha, taima taka thawk zel turin a chah bawk a ni.

State TB Officer & Jt. Director (TB) Dr. Zochhuanawmi chuan thu sawiin TB damlo chhawmdawlna programme Pradhan Mantri TB Mukh Bharat Abhiyaan - Nikshay Mitra Initiative kalpui mek a nih thu a sawi a. He hmalakna atan hian Minister, MLA leh Sawrkar Official ten Food Basket hmanga TB damlo an tanpui mek mi 103 an awm thu leh TB damlo Food Basket dawng mek mi 374 an awm thu a sawi a. TB natna vei inenkawl zinga zaa 28 vel chiahin donor an nei tih sawiin Donor neih belh zel an duh thu a tarlang bawk a ni.

Kumin January - June chhungin TB rinhlelh test zat chu mi 61,246 niin TB damlo hmuhehhuah zat chu mi 1,087 an ni a. TB vanga thi chu mi 71 niin TB tihdam zat chu zaa 86.49 a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

BRICS

Ni hnih awh BRICS Energy Ministers' Meeting chu vawiin khan Haryana-a Gurugram ah tan a ni a. He hunah hian Union Power Minister Manohar Lal Khattar chuan thusawiin ram sum leh pai hmasawn nan energy a pawimawh a ti a. Khawtlang nun hmasawn zel nan leh mihring khawsak alo changkan theih nan energy a pawimawh thu a sawi a. Pu Khattar-a chuan energy man tlawm leh daihrei neih tuma hmalak a tul thu sawiin India chaun energy thianghlim siam chhuah kawngah chak takin ke a pen a ti a. Hun lo kal tur thlir chungin energy hmasawna tur ruhrel tha tak tak a din mek a ti bawk.

BRICS Energy Minister's meeting hi naktukah chhunzawm tur a ni a. Energy lama thawhhona hrang hrang an ngaihtuah dawn a ni.leh state sawrkarte chu uluk taka vil thin turin a chah a ni.

<><><>

VENEZUELA

Venezuela-ah na taka lir vawihnih a nghin avangin mi 160 chuang an thi a, mi 900 chuangin hliam an tuar. Venezuela President Delcy Rodriguez chuan rampumah state of emergency a puang nghal a. Thudanw danin Venezuela-ah hian magnitude 7.2 leh 7.5-a nain tum hnih lir a nghing a. Caracas khawpui leh a chhehvelah in tam tak a chim a. President Rodriguez chuan zirna in zawng zawng khar anih thu leh tul lova veivah khap hrih anih thu a sawi. Chhanchhuah hna ngawrh taka thawh nghal niin mitthi zat leh hliam tuar zat hi ala pun rin a ni bawk.

Vice President C P Radhakrishnan leh Prime Minister Narendra Modia te chuan Venezuela ramir lirnghing rapthlak tak an tuar chu pawin an tih thu an sawi a. Vice President Radhakrishnan chuan social media lamah he thu hi tarlangin mitthi chhungte a tawrhpuin thu a sawi a. Prime Minister Modia pawhin hliam tuarte an dam thuai theih nan duhsakna hlanin India chuan puin an ngaihnaah pui turin a inring reng tih a sawi a ni.

<><><>